

16 SEP 2003

I

MENTERI BANGLADESH PILIH DR MAHATHIR SEBAGAI SETIAUSAHA AGUNG PBB

KUALA LUMPUR, 16 Sept (Bernama) -- Perdana Menteri Datuk Seri Dr Mahathir Mohamad hari ini telah "dicalonkan" sebagai Setiausaha Agung yang baru oleh wakil dari Bangladesh ke Persidangan Antarabangsa Pemimpin Muda Umat Islam di sini.

A.N.M Ehsanul Hoque, Menteri Pendidikan Bangladesh membuat "pencalonan" itu semasa menggulung resolusi untuk membangunkan sebuah Yayasan Ekonomi Dunia Muslim di hari terakhir persidangan tersebut.

Ehsanul berkata Dr Mahathir merupakan pemimpin agung dan diiktiraf oleh dunia Muslim sebagai cekap dan berkeupayaan untuk menjawat jawatan tertinggi dalam PBB itu.

Semasa sesi soal jawab dengan Dr Mahathir dalam majlis penutup, seorang lagi perwakilan membuat cadangan yang serupa.

Bagaimanapun Perdana Menteri menjawab "Saya lebih suka menjadi orang yang bebas... Saya percaya saya masih boleh menyumbang dalam banyak cara walaupun bukan sebagai Setiausaha Agung PBB".

-- BERNAMA

NER JM AZH